

ጾኑሲ ማዶ"ም ዳኪንቴ የሐኪሴኮ ለምዓሳ ኪሊቶ" ዓይያ ካሮ"

የሐኪሴኮ ለምዓሳ ኪሊቶ" ጻኦፔሢ' ጾኑሲ ማዶ"ም ዳኪንቴ ጋርቻሢ፣ የሐኪሴ ማዓዛ ጻኦፔንቴሢያ ቦንቺንታ ዒንዴሎና ናኦቶ"ናም ጋዓያኩ። ዬና ጌይፃ፡- ጎዶንቴ ፔቴ" ሺኢጸሢ ማኦሪና ዓሰናም ማውዋዎ ዓታዓኬ። ሐና' ዳካ"ና ጻኦፔንቴ ኪሊቲላ፡- ዋሊ ዔያታ ናሽካንዳጉዲ ኬኤዛያና ሃሃ ሉኡዙሞና ዔርዛ ዓሰና ዔያቶኮ ዔርዚያናይዳፓ ዔሪ ካፒንታንዳጉዲ ላቲ ኬኤዛያኩ።

ማጻኦፔላ ዲማ ዲማ ዓርቄ ባኮ
ዓይያ ካሮ" 1-3
ጎኔ ናሹሞ ዛላ 4-6
ሉኡዙሞና ዔርዛ ዓሰ ዛሎ" ላቲ" ኬኤዚንቴ ሃይሴ 7-11
ጋፒንሢ ሃይሴ 12-13

- 1 ታና፣ ጋርቻሢዳፓ ዳኪንቴ ኪሊታ፡- ቦንቺንታ ዒንዴሎና ናኦቶ"ናም፤ ታ ዒንሢ ጎኔና ናሽካኔ፤ ዬይያ ታና ሌሊቱዋንቴ ጎኔሢ ዔራ ዓሳ ቢያ ዒንሢ ናሽካኔ፤
- 2 ዬይ ጎኔሢ፡- ኑኡና ዋላ" ዓኣያ፤ ሃሃ ሃጊ ሴካ ናንጊና ናንጋንዳያኩ።
- 3 ዬያሮ ጾኑሲ፣ ዓዳሢና ናዓሢ ዬሱሰ ኪሪሰቶሴናኮ ኮሹሞ ዒንጊፃ፣ ማኦሪፃ፣ ኮሹማ ጎኑሞና ናሹሞና ማዒ ኑኡና ዋላ" ማዶንጎ።

- ጎኔና ናሹሞና ዛላ
- 4 ኔኤኮ ናኦቶ"ይዳፓ ፔቴ" ፔቴ"ዘንሢ ጾኑሲ፣ ዓዳሢ ኑና ዓይሢ ጎይያ ጉሙርቁሢና ዶዲ ዓኣንቴ ታ ዔያቶ ዴንቁሢሮ ሚርጌና ታና ዋዛሳኔ።
- 5 ቦንቺንታ ዒንዴላ! ሃሢ ታ ኔኤሞ ጻኦፓ ዓይሢፃ፡- «ዋሊ ኑ ናሽኮም» ጋዓ ቤርታኦፓ ዓኣ ዓይሢያ ማዓንዳኦፓዓቲም ዓኪቱዋሴ።
- 6 ጎኔ ናሹሞ ጌይሢ፡- ጾኑሲ ዓይሥሢ ኩንሥሢኬ፤ ዬይ ዓይሢፃ ቤርታ ዒንሢ ዋይዜሢጉዲ «ናሹሞና ናንጉዋቴ» ጋዓያኩ።

1:5 የሐ. 13:34፤ 15:12፤ 17።

7 ዩሱስ ኪሪስቶስ ዓሲ ማዒ ጴጄሢ ጉሙርቁዋ፣ ሚርጌ ደቢሻ ዓሲ ዓጮ"ይዳ ኬስኬኔ። ዩያጉዴ ዓሲ ቢያ ሉኡቃያና ኪሪስቶስ ዒፃ ሞርኬኬ።

8 ዒንሢኮ ጋዓንቴ ላቢ" ማዶና ባካ ጉሪ ዓቱዋጉዲ ዒንሢ ዔፈዋቴ፤ ዒንጎ ባኮ ኩሙሢና ዔካኒ ደዲዋቴ።

9 ኪሪስቶስ ዔርዜ ባኮና ደዲ ናንጉዋአሢና ዩያይዳፓ ሃኪ ዓአዳሢና ዋላ" ያኦሲ ባአሴ፤ ኪሪስቶስ ዔርዜ ባኮና ደዲ ናንጋሢና ጋዓንቴ ያኦሲ፣ ዓዳሢና ናዖና ዋላ" ዓአኔ።

10 ሓያ ዔርዚያ ዓርቁዋዖ ያኦኒያ ዒንሢ ኮይላ" ሙኬቶ ሸኦቹንሢ ዒዛ ዔኪፖቴ፤ ሃሣ ሳራሢታዖ ሳራሢፖቴ።

11 ዓይጎር ጌዔቴ ዒዛ ሳራሢ ዓሲ ዒዛኮ ፑርቶ ማዶ" ዋላ" ማዶያ ማዓንዳሢርኬ።

ጋፒንሢ ሓይሴ

12 ታ ዒንሢሞ ፃኦፓኒ ኮዓ ባአዚ" ሚርጌ ዓአኔ፤ ጋዓንቴ ቢያሢ ፃኦፒ ሌሊ ኬኦዛኒ ታ ኮዑዋሴ፤ ባሼ ሚርጌና ኑ ዋዛዳንዳጉዲ ታኦኒ ሙኪ፣ ዋሊ ኑ ዛጊ ጌሰታኒ ሃጊ ማዓንዳ ዋዛ ጌሢኔ።

13 ቦንቹንቴ፣ ኔ ጌሬሎ ናኦታ" «ኮሺዳ?» ኔና ጋዓኔ።

Maale New Testament
The New Testament in the Maale language of Ethiopia
copyright © 2007 Bible Society of Ethiopia

Language: (Male)

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-13

PDF generated using Haiola and XeLaTeX on 11 Jun 2026 from source files dated 13 May 2025

48f5fdf1-90d6-5bff-b666-a2b8b5d20de1